



**UHARTE ARAKILGO UDALA**  
**AYUNTAMIENTO DE UHARTE ARAKIL**

UDALETXKO PLAZA, 1.  
CP 31840 UHARTE ARAKIL (NAVARRA)  
TFNO: 948464036. FAX: 94846490  
[www.uhartarakil.com](http://www.uhartarakil.com)  
info@uhartarakil.com

## **DEIALDIA, KULTURA, KIROL ETA GIZARTE ENTITATEENDAKO**

Uhartarakilgo Udalak, bere aurrekontuaren mugen barruan, diru-laguntzak emanen ditu Uhartarakilgo kultura, kirol eta gizarte entitateendako.

### **OINARRIAK**

#### **1.-. Xedea.**

Deialdi honen xedea da Uhartarakilgo kultura, kirol eta gizarte entitateei diru-laguntzak emateko araubidea ezartzea, honelako ekintza eta jarduerak sustatu eta babestearren: herrian herritarren parte hartzea bultzatzekoak, bizi kalitatea hobetzen dutenak eta kulturaren ezagupena nahiz garapena sustatzen dutenak, prestakuntzako, arte eta kulturako, gizarte eta kulturako edo kiroleko jardunen bidez.

#### **2. Diru-laguntza jasoko duten jarduerak.**

- a) Prestakuntzako jarduerak, helburu gisa populazioaren edozein sektorearen hezkuntza arautu gabekoa dutenak.
- b) Arte eta kulturako jarduerak: antzerkia, musika, dantza, zinea, bideoa, literatura, arte plastikoak, folklorea eta antzekoak.
- c) Gizarte eta kulturako jarduerak, helburu gisa herritarren sustapena dutenak.
- d) Herriko arte eta kultura-ondarea babesteko jarduerak.
- e) Kirol ikuskizun eta jarduerak.

#### **3. Diru-laguntza jasoko duten jarduerak bete beharreko baldintzak.**

- a) Herritar guztiek esku har dezaketenak izatea, hau da, bereizkeriarik ez egitea sexua, arraza, hizkuntza, ideologia, baldintza sozio-ekonomikoak eta abar direla eta.
- b) Interesgarriak izatea hezkuntzaren, gizarte eta kulturaren eta/edo kirolaren arloetarako.
- c) Herritarren arteko harremana eta bizikidetzeta, hautapen librea eta garapen pertsonala bultzatzea.
- d) Udalak dituen beste laguntza lerro batzuetan sarturik ez egotea.



**UHARTE ARAKILGO UDALA**  
**AYUNTAMIENTO DE UHARTE ARAKIL**

UDALETXKO PLAZA, 1.  
CP 31840 UHARTE ARAKIL (NAVARRA)  
TFNO: 948464036. FAX: 94846490  
[www.uhartearakil.com](http://www.uhartearakil.com)  
[info@uhartearakil.com](mailto:info@uhartearakil.com)

4. Lanak aurkezteko tokia eta epea:

Udalaren erregistroan aurkeztuko dira eskabideak, 2017ko maiatzaren 12ra arte.

5. Dokumentazioa.

- a) Eskabide-orria, eredu ofizialarekin bat.
- b) Urteko egitaraua eta aurrekontua (atxikitako ereduaren arabera).

6. Balorazioa:

6.1. Udaleko berariazko batzordeek aurkeztutako eskabideak aztertu eta diru-laguntzak emateko proposamena Udalaren osoko bilkuran aurkeztuko dute hark ebatzi dezan.

Batzordeak 30 egun naturaleko epea izango du, proposamena aurkezteko, eskabideak egiteko epea bukatzen denetik kontatzen hasita.

6.2. Diru-laguntza ezartzeko batik bat honako hauek hartuko dira aintzat:

- a) Jarduera euskaraz izatea.
- b) Jardueran parte hartzen duten uhartearren kopurua.
- c) Jarduerak zenbat egun irauten duen.
- d) Jarduerak hezkuntzaren eta/edo gizarte eta kulturaren aldetik duen oihartzuna.
- e) Monitoreek eta elkarteko arduradunek dinamizazio soziokulturalaren eta kirolaren arloan duten prestakuntza.
- f) Bertako kultura bultzatzea.

7. Diru-laguntzaren ebazpena eta ordainketa.

7.1. Eskarien ebazpena Uhartearakilgo Udalak egingo du, osoko bilkuran, Batzorde ebaluatzailearen proposamenari begiratuta. 7.2. Deialdiaren gaineko ebazpena eta onuradun jarduerak eskatzaileei jakinaraziko zaizkie.

7.3. Dirulaguntzek elkarte eskatzailearen jarduera edo programen kostuak sorrarazitako defizitaren zati bat estaltzeko helburua dutela ulertuko da.

7.4. Behin ebazpena egin ondoren ordainduko da diru-laguntza. Nolanahi ere, eskatzaileek abenduaren 20a baino lehen justifikatu beharko dituzte egindako jarduerak eragindako gastuak.

7.5. Diru-laguntzaren gastua frogatzeko, egindako eta diruz lagundutako jardueren gastuen jatorrizko ordainagirien fotokopiak aurkeztuko dira, eta haietan agertuko den zenbatekoa emandako dirulaguntzaren diru kopuru bera izanen da Orobat, ordainagiritan honako hauek zehaztuko dira: entitate ordaintzailea, gastuaren data,



**UHARTE ARAKILGO UDALA**  
**AYUNTAMIENTO DE UHARTE ARAKIL**

UDALETXEKO PLAZA, 1.  
CP 31840 UHARTE ARAKIL (NAVARRA)  
TFNO: 948464036. FAX: 94846490  
[www.uhartearakil.com](http://www.uhartearakil.com)  
[info@uhartearakil.com](mailto:info@uhartearakil.com)

kontzeptua, zenbatekoa, enpresaren izena ( N.A.N. edo I.F.K.) zigilua eta igorlearen sinadura.

7.6. Uhartearakilgo Udalak jatorrizko ordainagiriak aurkeztea eskatu ahal izango du, egiaztapenak egiteko.

7.7. Dirulaguntzaren kopurua, helburu honekin Uhartearakilgo Udaleko aurrekontuetan agertzen den zenbatekoaren baldintzapean geratuko da.

8. Betebeharrak.

a) Diruz lagundutako jarduera eta programen publizitatea euskaraz edota ele biz egin beharko da.

b) Diruz lagundutako jarduera eta programen publizitatean, Uhartearakilgo Udalaren lankidetzara agertu beharko da.

c) Diruz lagundutako programetan edozein gorabehera gertatuz gero, haren berri ematea gertatzen den unean berean.

9. Betebeharrak ez betetzea.

Deialdi honetako oinarrietan ezarritakoa ez betetzeak, datuak faltsutzeak, edo, dirulaguntza zein xedetarako eman zen, horien funtsezko aldaketak, dirulaguntza galtzea ekarriko du, eta jaso diren zenbatekoak itzuli beharra ere bai. Halaber, xede berarekin edo bertsuarekin gero beste eskaririk egiten bada, ez da onartuko.

Deialdi honetako oinarrietan ezarritakoa ez betetzeak, datuak faltsutzeak, edo, dirulaguntza zein xedetarako eman zen, horien funtsezko aldaketak, dirulaguntzaren galera ekarriko du, eta jaso diren zenbatekoak itzuli beharra ere bai. Halaber, xede berarekin edo bertsuarekin gero beste eskaririk egiten bada, ez da onartuko.